



KEMENTERIAN PENDIDIKAN

GARIS PANDUAN PENUBUHAN, PENDAFTARAN DAN PENGOPERASIAN PUSAT LATIHAN

1. TUJUAN

- 1.1 Garis panduan ini disediakan sebagai rujukan kepada pegawai bahagian di Kementerian Pendidikan (KPM), jabatan pendidikan negeri (JPN), pejabat pendidikan daerah (PPD) dalam hal ehwal penubuhan, pendaftaran dan pengawalseliaan pusat latihan.
- 1.2 Garis panduan ini juga disediakan sebagai panduan kepada pihak pengurusan pusat latihan dalam proses penubuhan, pendaftaran dan pengoperasian sesebuah pusat latihan mengikut peraturan dan standard yang ditetapkan oleh KPM.

2. LATAR BELAKANG

- 2.1 Seksyen 79 Akta Pendidikan 1996 [Akta 550] menetapkan bahawa semua institusi pendidikan hendaklah didaftarkan di bawah Akta ini.
- 2.2 Peraturan-peraturan Pendidikan (Pendaftaran Institusi Pendidikan) 1997 [P.U(A) 534/97] mengklasifikasikan pusat latihan sebagai salah satu institusi pendidikan yang boleh ditubuhkan dan didaftarkan dalam kategori pusat kemahiran.
- 2.3 Peraturan-peraturan Pendidikan (Institusi Pendidikan Swasta) (Piawaian) 1998 [P.U(A) 219/98] telah menetapkan bahawa semua institusi pendidikan swasta (IPS) hendaklah mematuhi piawaian yang ditetapkan.

3. OBJEKTIF

Objektif garis panduan ini adalah untuk memastikan:

- 3.1 penubuhan dan pendaftaran pusat latihan memenuhi piawaian seperti yang ditetapkan; dan

- 3.2 pengoperasian pusat latihan mematuhi peruntukan Akta Pendidikan 1996 [Akta 550] dan Peraturan-Peraturan Pendidikan di bawahnya.

4. TAFSIRAN

- 4.1 **Pusat Latihan** bermaksud institusi pendidikan yang menyediakan pendidikan dan latihan kemahiran dalam bidang-bidang perdagangan, teknikal dan vokasional bagi tujuan peperiksaan dan kelayakan kemasukan.
- 4.2 **Pengurusan Pusat Latihan** merujuk kepada lembaga pengelola, pengurus atau mana-mana individu yang terlibat dalam pengurusan dan pentadbiran sesebuah pusat latihan.
- 4.3 **Panel Penilai Penubuhan IPS** bermaksud pegawai KPM/ JPN/ PPD yang dilantik bagi menilai dan mencadangkan kelulusan permohonan penubuhan IPS.
- 4.4 **Sesi Penilaian Penubuhan IPS** bermaksud sesi penilaian yang dihadiri oleh panel penilai yang dilantik bagi menilai dan mencadangkan kelulusan permohonan penubuhan IPS.
- 4.5 **Ketua Pendaftar** ialah Ketua Pendaftar Institusi Pendidikan dan Guru yang dilantik bawah subseksyen 5(1). Timbalan Ketua Pendaftar Institusi Pendidikan dan Guru yang dilantik bawah subseksyen 5(2) hendaklah mempunyai kuasa dan menjalankan fungsi-fungsi Ketua Pendaftar ketika ketiadaan Ketua Pendaftar.
- 4.6 **Pendaftar** ialah Pendaftar Institusi Pendidikan dan Guru yang dilantik bawah subseksyen 5(3).
- 4.7 **Penolong Pendaftar** ialah Penolong Pendaftar Institusi Pendidikan atau Penolong Pendaftar Guru, mengikut mana-mana yang berkenaan, yang dilantik bawah subseksyen 5(3).
- 4.8 **Perakuan Pendaftaran** bermaksud dokumen rasmi yang mengesahkan penubuhan dan pendaftaran sesebuah institusi pendidikan untuk beroperasi sebagai institusi pendidikan yang sah dan dikeluarkan bawah peraturan 9 sebagaimana diperuntukkan dalam seksyen 82(1) Akta 550.

- 4.9 **Lembaga Pengelola** bermaksud sekumpulan orang yang diberi kuasa bawah suratcara pengelolaan untuk mentadbir atau mengurus pusat latihan..
- 4.10 **Pusat tidak wujud** bermaksud pusat yang tidak lagi beroperasi selama sekurang-kurangnya satu (1) tahun selepas tarikh tamat pendaftaran atau premis telah digunakan untuk perniagaan lain.
- 4.11 **Tiga (3) agensi** bermaksud Pihak Berkuasa Tempatan, Jabatan Bomba dan Penyelamat serta Jabatan Kesihatan Negeri/ Pejabat Kesihatan Daerah atau unit kesihatan di bawah Pihak Berkuasa Tempatan.

5. PERANAN DAN TANGGUNGJAWAB

Peranan dan tanggungjawab umum pihak yang terlibat adalah seperti yang berikut:

5.1 Bahagian Pendidikan Swasta KPM

- 5.1.1 menetapkan dasar dan piawaian berkaitan penubuhan, pendaftaran dan pengoperasian pusat latihan;
- 5.1.2 menganggotai Panel Penilai Penubuhan IPS;
- 5.1.3 mengangkat surat permohonan kelulusan pendaftaran kepada Ketua Pendaftar;
- 5.1.4 melaksanakan pemeriksaan pematuhan dan penguatkuasaan;
- 5.1.5 melaksanakan siasatan aduan;
- 5.1.6 mengemukakan maklum balas hasil siasatan aduan kepada pengadu dan/ atau pihak yang berkenaan;
- 5.1.7 mengurus sokongan permohonan kemasukan guru ekspatriat;
- 5.1.8 menguruskan sokongan permohonan kelulusan Kementerian Dalam Negeri (KDN) bagi pengambilan pelajar antarabangsa;
- 5.1.9 mengurus penutupan pusat latihan yang tidak berdaftar;
- 5.1.10 mengurus pembatalan perakuan pendaftaran pusat latihan; dan
- 5.1.11 melaporkan data dan maklumat kepada pengurusan tertinggi KPM atau mana.

5.2 Unit Pendidikan Swasta JPN

- 5.2.1 mengurus permohonan penubuhan pusat latihan;
- 5.2.2 mengurus setia Panel Penilai Penubuhan IPS;
- 5.2.3 menganggotai Panel Penilai Penubuhan IPS;
- 5.2.4 melaksanakan verifikasi premis dan menyediakan laporan serta membantu Bahagian Pendidikan Swasta dalam proses pendaftaran pusat latihan;
- 5.2.5 mengurus permohonan pembaharuan perakuan pendaftaran;
- 5.2.6 mengurus permohonan pendaftaran pengelola dan pekerja;
- 5.2.7 mengurus permohonan dan pembaharuan permit guru;
- 5.2.8 mengurus permohonan perubahan butiran institusi;
- 5.2.9 melaksanakan pemeriksaan pematuhan dan penguatkuasaan dari semasa ke semasa;
- 5.2.10 melaksanakan siasatan aduan;
- 5.2.11 mengurus penutupan pusat latihan yang tidak berdaftar;
- 5.2.12 mengurus pembatalan perakuan pendaftaran pusat latihan; dan
- 5.2.13 menyelaraskan pengumpulan data dan maklumat untuk dikemukakan kepada Bahagian Pendidikan Swasta.

5.3 Penolong Pegawai Pendidikan Swasta PPD

- 5.3.1 membantu mengurus permohonan penubuhan pusat latihan;
- 5.3.2 menganggotai Panel Penilai Penubuhan IPS;
- 5.3.3 membantu JPN melaksanakan verifikasi premis dan menyediakan laporan serta membantu Bahagian Pendidikan Swasta dalam proses pendaftaran pusat latihan;
- 5.3.4 membantu mengurus permohonan pembaharuan perakuan pendaftaran;
- 5.3.5 membantu mengurus permohonan pendaftaran pengelola dan pekerja;
- 5.3.6 membantu mengurus permohonan dan pembaharuan permit guru;
- 5.3.7 membantu mengurus permohonan perubahan butiran institusi;
- 5.3.8 membantu melaksanakan pemeriksaan pematuhan dan penguatkuasaan dari semasa ke semasa;

- 5.3.9 membantu melaksanakan siasatan aduan;
- 5.3.10 membantu mengurus penutupan pusat latihan yang tidak berdaftar;
- 5.3.11 membantu mengurus pembatalan perakuan pendaftaran pusat latihan; dan
- 5.3.12 membantu menyelaras pengumpulan data dan maklumat untuk dikemukakan kepada Bahagian Pendidikan Swasta.

5.4 Pemohon

- 5.4.1 melengkapkan maklumat permohonan berdasarkan syarat yang ditetapkan dalam garis panduan ini;
- 5.4.2 mengemukakan permohonan penubuhan dan pendaftaran mengikut tatacara yang ditetapkan; dan
- 5.4.3 memberikan maklum balas kepada perkara berkaitan permohonan yang dikemukakan oleh Bahagian Pendidikan Swasta KPM, JPN dan PPD dalam tempoh masa yang ditetapkan.

5.5 Lembaga Pengelola

- 5.5.1 memastikan pengoperasian pusat mematuhi ketetapan Akta 550 dan Peraturan-Peraturan Pendidikan bawahnya;
- 5.5.2 memastikan tadbir urus pusat Latihan dilaksanakan berdasarkan surat cara pengelolaan;
- 5.5.3 mengurus permohonan pembaharuan dan perubahan syarat; dan
- 5.5.4 melapor dan memberi maklum balas kepada perkara berkaitan pengurusan pusat latihan yang dimohon oleh Bahagian Pendidikan Swasta KPM, JPN dan PPD dalam tempoh masa yang ditetapkan.

5.6 Pengurus

- 5.6.1 mengetuai hal ehwal pentadbiran pusat latihan serta pelaksanaan program atau kursus; dan
- 5.6.2 menjadi pengawai penghubung pusat latihan dengan Bahagian Pendidikan Swasta/JPN/PPD dan bertanggungjawab dalam urusan pusat latihan

6. SYARAT-SYARAT PENUBUHAN DAN PENDAFTARAN

6.1 Pemohon

- 6.1.1 Pemohon hendaklah warganegara Malaysia. (Pemohon perlu mengemukakan salinan kad pengenalan semasa proses permohonan).

6.2 Pemilikan

- 6.2.1 Pemilik hendaklah syarikat sendirian berhad yang diperbadankan dan berdaftar dengan Suruhanjaya Syarikat Malaysia (SSM).
- 6.2.2 Aktiviti syarikat yang berkaitan dengan pendidikan hendaklah dinyatakan dengan jelas dalam *Memorandum and Article* atau *Nature of Business* dalam pendaftaran SSM.
- 6.2.3 Francaisi boleh dimiliki oleh bentuk perniagaan berikut:
 - i) Milikan tunggal;
 - ii) Syarikat perkongsian liabiliti terhad; atau
 - iii) Syarikat sendirian berhad
- 6.2.4 Pemilikan perlu dinyatakan dalam dokumen pendaftaran dan borang yang berkaitan SSM,

6.3 Modal/Ekuiti

- 6.3.1 Modal berbayar minimum adalah RM50,000.00.
- 6.3.2 Pemilikan ekuiti bumiputera hendaklah sekurang-kurangnya 30 peratus daripada keseluruhan modal berbayar. Syarat ini hendaklah dipatuhi sepanjang masa.
- 6.3.3 Pemilikan ekuiti asing tertakluk kepada Perjanjian Perdagangan Bebas dalam pendidikan antara Malaysia dengan negara yang berkenaan seperti yang dinyatakan dalam laman sesawang Kementerian Pelaburan, Perdagangan dan Industri. Pemilikan ekuiti asing bagi negara yang tidak mempunyai Perjanjian Perdagangan Bebas dengan Malaysia adalah tidak melebihi 20 peratus sahaja.
- 6.3.4 Modal berbayar minimum bagi semua jenis pemilikan francaisi adalah RM30,000.00. Bagi milikan tunggal dan syarikat

perkongsian liabiliti terhad, pemohon hendaklah mengemukakan bukti status kewangan terkini melalui dokumen rasmi dari institusi kewangan.

6.4 Lokasi

- 6.4.1 Persekitaran lokasi hendaklah bersesuaian dengan keperluan sesebuah institusi pendidikan.
- 6.4.2 Lokasi hendaklah di kawasan yang sesuai dan selamat, tidak berisiko bencana, tidak berdekatan laluan rentis elektrik, kawasan industri atau kilang berisiko tinggi dan tidak berdekatan dengan premis hiburan yang tidak sesuai.
- 6.4.3 Lokasi hendaklah mendapat kelulusan pihak berkuasa tempatan untuk tujuan pengoperasian institusi pendidikan.
- 6.4.4 Sebarang permohonan perubahan lokasi hendaklah mengikut tatacara yang ditetapkan serta mendapat kelulusan Pendaftar.

6.5 Premis

- 6.5.1 Pusat latihan dibenarkan beroperasi di premis milik sendiri, pajakan atau sewaan.
- 6.5.2 Pusat latihan dibenarkan beroperasi di premis seperti:
 - i) bangunan komersial;
 - ii) bangunan khas;
 - iii) institusi pendidikan tinggi;
 - iv) premis kerajaan; dan
 - v) lain-lain premis yang sesuai dan diluluskan oleh Ketua Pendaftar.
- 6.5.3 Kedudukan pejabat pengurusan, kelas dan kemudahan lain kecuali asrama hendaklah di tempat dan alamat yang sama.
- 6.5.4 Premis yang bersambung antara satu sama lain atau mempunyai akses dalam akan dipertimbangkan.
- 6.5.5 Pusat latihan tidak dibenarkan beroperasi di premis kediaman.
- 6.5.6 Bagi premis yang terletak di institusi pendidikan yang berdaftar bawah mana-mana undang-undang bertulis di Malaysia atau

dimiliki oleh mana-mana kementerian atau agensi kerajaan, pemohon hendaklah mengemukakan surat kebenaran penggunaan premis daripada pihak kawal selia, kementerian atau agensi berkenaan.

- 6.5.7 Pelan lantai bangunan yang disahkan oleh pihak berkuasa tempatan atau arkitek bertauliah perlu disertakan semasa permohonan.
- 6.5.8 Sebarang permohonan perubahan premis (pindah, tambah, ubah suai) hendaklah mengikut tatacara yang ditetapkan serta mendapat kelulusan Pendaftar.

6.6 Kemudahan

- 6.6.1 Pusat latihan hendaklah menyediakan kemudahan seperti yang berikut:
 - i) pejabat pengurusan;
 - ii) bilik kuliah;
 - iii) tandas;
 - iv) bilik solat;
 - v) kemudahan khusus yang sesuai dengan kursus yang ditawarkan; dan
 - vi) lain-lain kemudahan yang bersesuaian.
- 6.6.2 Pusat latihan yang merekrut murid antarabangsa hendaklah mempunyai kemudahan tambahan seperti yang berikut:
 - i) pejabat hal ehwal murid antarabangsa; dan
 - ii) asrama.
- 6.6.3 Kemudahan asrama hendaklah sesuai dan selesa kepada murid serta diasingkan bagi murid lelaki dan murid perempuan. Asrama juga hendaklah mempunyai kemudahan asas yang bersesuaian untuk penginapan murid.

6.7 Nama Institusi

- 6.7.1 Nama pusat latihan yang digunakan hendaklah sesuai dan dipersetujui oleh Ketua Pendaftar.

- 6.7.2 Nama pusat latihan yang dicadangkan hendaklah membawa maksud yang positif dan mempunyai unsur-unsur pendidikan.
- 6.7.3 Nama pusat latihan hendaklah bermula dengan frasa “Pusat Latihan...” diikuti dengan nama yang dicadangkan.
- 6.7.4 Keseluruhan nama pusat latihan digalakkan dalam bahasa Melayu namun nama selepas frasa “Pusat Latihan..” boleh dalam bahasa lain tetapi tidak boleh bercampur aduk. Contoh: Pusat Latihan Maju Cemerlang (dibenarkan), Pusat Latihan *New Think* (dibenarkan) Pusat Latihan *Excellent* Maju Jaya (tidak dibenarkan).
- 6.7.5 Nama yang menggunakan selain bahasa Melayu dan bahasa Inggeris hendaklah dijelaskan pengertiannya secara bertulis semasa permohonan dikemukakan.
- 6.7.6 Nama cawangan pusat latihan hendaklah sama dengan nama pusat latihan induk dengan menambah frasa “Cawangan ...” selepas nama. Contoh:
- Nama pusat latihan induk: Pusat Latihan Maju
- Nama cawangan : Pusat Latihan Maju (Cawangan Maluri)
- 6.7.7 Nama-nama yang tidak dibenarkan ialah:
- i) nama yang bertentangan dengan semangat keharmonian rakyat Malaysia atau berunsur negatif yang boleh menyebabkan salah faham atau menyentuh sensitiviti politik, agama dan kaum;
 - ii) nama individu melainkan dalam bentuk jenama atau mempunyai hak cipta terpelihara;
 - iii) nama yang bertentangan dengan mana-mana undangundang negara dan agama;
 - iv) nama tempat, jalan dan kawasan dalam negara kecuali bagi cawangan;
 - v) nama berbentuk singkatan atau akronim;
 - vi) nama institusi pendidikan sama ada di dalam atau luar negara kecuali mempunyai surat kebenaran daripada pengurusan tertinggi institusi tersebut; dan
 - vii) nama yang merujuk kepada pendaftaran di bawah Akta 555 seperti Kolej, Politeknik, Akademi dan lain-lain.

- 6.7.8 Ketua Pendaftar berhak untuk menolak nama pusat latihan yang tidak sesuai mengikut subseksyen 84(c) Akta 550.
- 6.7.9 Perubahan nama institusi hendaklah mengikut tatacara yang ditetapkan serta mendapat kelulusan Pendaftar.

6.8 Program/Kursus

- 6.8.1 Program atau kursus yang dibenarkan dalam bidang seperti yang berikut:
- i) Perdagangan – bertujuan memberi pendidikan perdagangan supaya murid mengetahui, memahami dan mempelajari bidang perniagaan dan perkhidmatan; dan
 - ii) Teknikal dan Vokasional – bertujuan memberi pendidikan dan latihan yang menyediakan individu untuk pekerjaan atau profesion tertentu yang memberi penekanan kepada komponen praktikal, kemahiran psikomotor dan pendedahan kepada latihan dalam industri.
- 6.8.2 Program atau kursus baharu yang belum pernah digunakan di mana-mana pusat latihan hendaklah mendapat kelulusan daripada Bahagian Pendidikan Swasta.
- 6.8.3 Program atau kursus yang ditawarkan hendaklah yang berkaitan dengan bidang-bidang berikut:
- i) perniagaan
 - ii) pertanian
 - iii) teknologi maklumat
 - iv) teknologi mekanikal dan pembuatan
 - v) teknologi awam
 - vi) pembuatan dan pemprosesan
 - vii) seni reka
 - viii) perkhidmatan masyarakat
 - ix) hospitaliti
- 6.8.4 Perincian setiap program atau kursus mengikut bidang-bidang seperti dalam Lampiran 9.

- 6.8.5 Program atau kursus yang dilaksanakan boleh dibahagikan kepada beberapa tahap mengikut kersesuaian kandungan.
- 6.8.6 Tempoh pembelajaran setiap tahap adalah tidak melebihi tiga (3) bulan atau maksimum 60 jam kredit mengikut ketetapan Kerangka Kelayakan Malaysia oleh Agensi Kelayakan Malaysia.
- 6.8.7 Program atau kursus bagi murid antarabangsa hendaklah mematuhi syarat:
- i) terbahagi kepada empat (4) tahap;
 - ii) pembelajaran hendaklah dilaksanakan sekurang-kurangnya empat (4) jam sehari selama lima (5) hari seminggu; dan
 - iii) tempoh pembelajaran keseluruhan tahap tidak melebihi 18 bulan.
- 6.8.8 Pusat latihan yang telah berdaftar dan mempunyai premis dibenarkan menjalankan kaedah pengajaran dan pembelajaran secara hibrid (bersemuka dan secara dalam talian);
- 6.8.9 Pusat latihan yang menggunakan mana-mana program atau kursus yang dilesenkan bawah Akta Francais 1998 [Akta 590], Akta Cap Dagangan 2019 [Akta 815], Akta Paten 1983 [Akta 291] hendaklah mengemukakan salinan sijil francais, cap dangan berdaftar atau dokumen hak milik intelek yang disahkan semasa permohonan.

6.9 Bahasa Pengantar

- 6.9.1 Bahasa Melayu hendaklah digunakan sebagai bahasa pengantar utama.
- 6.9.2 Walau bagaimanapun, bahasa Inggeris atau bahasa lain boleh digunakan sebagai bahasa pengantar mengikut kesesuaian program atau kursus yang dijalankan.

6.10 Tempoh/Sesi Pembelajaran

- 6.10.1 Sesi pembelajaran dilaksanakan mengikut kesesuaian program atau kursus.

6.10.2 Sesi pembelajaran pada waktu malam hendaklah tamat sebelum jam 10:30 malam.

6.11 Kelayakan Masuk Murid

Pusat latihan boleh menentukan tahap minimum kelayakan masuk murid untuk mengikut program atau kursus yang ditawarkan sama ada melalui ujian kelayakan, temuduga atau kaedah lain yang bersesuaian.

6.12 Pensijilan

6.12.1 Pusat latihan hendaklah mengeluarkan sijil kehadiran dan/atau sijil pencapaian untuk setiap program atau kursus yang ditawarkan.

6.12.2 Pusat latihan boleh melaksanakan pensijilan dengan badan luar tertakluk kepada perjanjian antara pusat latihan dengan badan tersebut dan program atau kursus yang telah diluluskan.

6.13 Lembaga Pengelola

6.13.1 Bilangan ahli lembaga pengelola hendaklah terdiri daripada sekurang-kurangnya lima (5) atau apa-apa bilangan ganjil tidak melebihi sembilan (9) orang termasuk satu (1) orang pengerusi.

6.13.2 Pengerusi Lembaga Pengelola hendaklah warganegara Malaysia. Pengerusi Lembaga Pengelola dalam kalangan bukan warganegara boleh dipertimbangkan sekiranya pemilikan saham syarikat oleh bukan warganegara melebihi 50 peratus.

6.13.3 Pengurus pusat latihan tidak boleh dilantik sebagai Ahli Lembaga Pengelola (ALP).

6.13.4 ALP tidak dibenarkan mengajar dan/atau menjalankan tugas sebagai seorang guru.

6.13.5 ALP hendaklah lulus tapisan keselamatan Polis Diraja Malaysia.

6.13.6 Semua ALP yang telah diluluskan hendaklah berdaftar sebagai pengerusi atau ahli.

6.13.7 Perubahan ALP hendaklah mengikut tatacara yang ditetapkan serta mendapat kelulusan Pendaftar.

6.14 Surat Cara Pengelolaan

- 6.14.1 Setiap pusat latihan hendaklah mempunyai suratcara pengelolaan.
- 6.14.2 Surat cara pengelola hendaklah dikemukakan bersama-sama permohonan pendaftaran institusi pendidikan.
- 6.14.3 Surat cara pengelolaan hendaklah dikemas kini dari semasa ke semasa sesuai dengan perubahan dalam pengurusan dan pengelolaan pusat latihan.
- 6.14.4 Sebarang pindaan kepada surat cara pengelolaan hendaklah dimaklumkan kepada Pendaftar.

6.15 Murid

- 6.15.1 Pengambilan murid hendaklah mengikut kohort umur yang ditetapkan oleh KPM.
- 6.15.2 Umur minimum bagi murid warganegara Malaysia adalah 18 tahun.
- 6.15.3 Had umur antarabangsa ialah 18 tahun hingga 45 tahun dan hendaklah mempunyai pas pelajar daripada Jabatan Imigresen Malaysia (JIM).
- 6.15.4 Pengambilan murid antarabangsa hendaklah mendapat kelulusan Kementerian Dalam Negeri (KDN) dengan sokongan daripada KPM.
- 6.15.5 Pusat latihan perlu menyediakan rekod daftar murid.

6.16 Pengurus

- 6.16.1 Pusat latihan hendaklah melantik seorang pengurus yang bertanggungjawab untuk menguruskan pentadbiran pusat dan pelaksanaan program atau kursus.
- 6.16.2 Pengurus boleh dilantik dalam kalangan warganegara Malaysia atau bukan warganegara Malaysia.
- 6.16.3 Warganegara Malaysia yang dilantik sebagai pengurus hendaklah mempunyai kelayakan akademik sekurang-kurangnya peringkat diploma.

- 6.16.4 Bukan Warganegara Malaysia yang dilantik sebagai Pengurus bukan hendaklah mempunyai kelayakan akademik sekurang-kurangnya ijazah sarjana muda.
- 6.16.5 Pengurus yang telah diluluskan hendaklah berdaftar sebagai pekerja.
- 6.16.6 Pertukaran pengurus hendaklah mendapat kelulusan Pendaftar.

6.17 Guru

- 6.17.1 Hendaklah terdiri daripada warganegara Malaysia dan bukan warganegara Malaysia.
- 6.17.2 Pusat latihan digalakkan memberi keutamaan kepada guru warganegara Malaysia yang mempunyai kelayakan akademik yang bersesuaian dengan keperluan kursus.
- 6.17.3 Guru yang dilantik hendaklah memenuhi syarat-syarat berikut:
 - (a) Warganegara Malaysia
 - i) berumur 22 tahun ke atas;
 - ii) mempunyai kelayakan akademik sekurang-kurangnya peringkat diploma atau setara; dan
 - iii) keutamaan diberikan kepada mereka yang mempunyai kelayakan ikhtisas (profesional pendidikan) sijil/ diploma/ ijazah dalam bidang pendidikan ATAU mempunyai sekurang-kurangnya tiga (3) tahun pengalaman mengajar di mana-mana institusi pendidikan.
 - (b) Bukan Warganegara Malaysia
 - i) berumur 22 tahun ke atas;
 - ii) mempunyai kelayakan akademik sekurang-kurangnya peringkat ijazah sarjana muda atau setara;
 - iii) mempunyai kelayakan ikhtisas (profesional pendidikan) sijil/ diploma/ ijazah dalam bidang pendidikan ATAU mempunyai sekurang-kurangnya tujuh (7) tahun pengalaman mengajar di mana-mana institusi pendidikan; dan

- iv) calon guru yang berumur 60 tahun dan ke atas hendaklah mengemukakan laporan pemeriksaan kesihatan yang terkini.
- 6.17.4 Hendaklah mempunyai permit mengajar yang sah.
- 6.17.5 Hendaklah lulus tapisan keselamatan Polis Diraja Malaysia.
- 6.17.6 Guru yang sedang berkhidmat di institusi pendidikan kerajaan perlu mendapatkan kebenaran bertulis daripada Ketua Jabatan masing-masing.
- 6.17.7 Pusat Latihan hendaklah mengemukakan permohonan surat sokongan pengambilan guru bukan warganegara kepada KPM mengikut tatacara yang ditetapkan bagi mendapatkan pas pengajian daripada Jabatan Imigresen Malaysia (JIM).
- 6.17.8 Permohonan mendapatkan pas pengajian hendaklah berdasarkan syarat-syarat yang ditetapkan oleh JIM.

6.18 Yuran dan Bayaran Lain

- 6.18.1 Yuran pengajian atau bayaran lain yang dikenakan oleh pusat latihan hendaklah mendapat kelulusan Ketua Pendaftar terlebih dahulu.
- 6.18.2 Kadar yuran yang dikenakan hendaklah bersesuaian dengan program dan kemudahan pembelajaran yang ditawarkan.
- 6.18.3 Struktur yuran dicadangkan diselaraskan mengikut kategori tetap seperti yang berikut:
 - i) **Yuran Kemasukan** - sejumlah wang yang dikenakan bagi tujuan kemasukan ke sesebuah institusi pendidikan. Bayaran ini termasuklah ujian kelayakan (placement test). Bayaran ini dikenakan satu (1) kali sahaja.
 - ii) **Yuran Pendaftaran** - sejumlah wang yang dikenakan bagi tujuan mendaftar sesuatu program.
 - iii) **Yuran Pengajian** - yuran bulanan/tahap yang dikenakan bagi tujuan pengajaran dan pembelajaran mengikut terma dan syarat yang dipersetujui.

- iv) Yuran Pengurusan Murid Antarabangsa - bayaran yang dikenakan bagi pengurusan murid antarabangsa sepanjang tempoh pengajian.
- 6.18.4 Pusat latihan boleh memohon kadar siling yuran yang munasabah semasa permohonan penubuhan bagi tempoh tiga (3) tahun. Namun begitu, kadar yuran semasa yang dikenakan kepada murid boleh lebih rendah dari kadar siling yang diluluskan.
- 6.18.5 Sebarang perubahan yuran hendaklah mendapat kelulusan Pendaftar.
- 6.18.6 Pelaksanaan kenaikan yuran hendaklah dimaklumkan secara rasmi kepada murid/ibu bapa/penjaga sekurang-kurangnya tiga (3) bulan lebih awal.

7. PROSEDUR PENDAFTARAN PUSAT LATIHAN

7.1 Permohonan Penubuhan

- 7.1.1 Permohonan penubuhan pusat latihan hendaklah dilaksanakan secara dalam talian melalui medium yang disediakan oleh Bahagian Pendidikan Swasta.
- 7.1.2 Pemohon perlu melengkapkan borang permohonan dalam talian dan memuat naik dokumen sokongan seperti yang dinyatakan dalam **Lampiran 2**.
- 7.1.3 Borang permohonan perlu dicetak dan dihantar bersama-sama dokumen sokongan ke JPN dalam tempoh 14 hari bekerja selepas permohonan dibuat melalui medium yang disediakan oleh Bahagian Pendidikan Swasta.

7.2 Sesi Penilaian Penubuhan IPS

- 7.2.1 Permohonan yang lengkap dan memenuhi syarat yang ditetapkan dalam garis panduan ini akan dipertimbang untuk sesi penilaian penubuhan IPS kepada Panel Penilai Penubuhan IPS di JPN/PPD.
- 7.2.2 Pihak JPN/PPD akan menghubungi pemohon untuk sesi penilaian penubuhan.

- 7.2.3 Sekiranya diperlukan sebarang pindaan maklumat oleh panel penilai semasa sesi penilaian, pemohon hendaklah mengemukakan pindaan dalam tempoh masa yang ditetapkan.
- 7.2.4 Bagi permohonan yang **telah memiliki** surat sokongan atau surat kebenaran merancang daripada PBT, **surat kelulusan** penubuhan akan dikeluarkan.
- 7.2.5 Bagi permohonan yang **belum memiliki** surat sokongan atau surat kebenaran merancang daripada PBT, **surat sokongan** akan dikeluarkan.
- 7.2.6 Keputusan panel penilai akan dimaklumkan secara rasmi melalui medium yang disediakan oleh Bahagian Pendidikan Swasta.

7.3 Surat Kelulusan Penubuhan

- 7.3.1 Pendaftar akan mengeluarkan surat kelulusan penubuhan berdasarkan keputusan panel penilai.
- 7.3.2 Surat kelulusan penubuhan sah untuk tempoh satu (1) tahun sahaja.
- 7.3.3 Sebarang pelanjutan tempoh kelulusan penubuhan adalah tertakluk kepada keputusan Pendaftar.
- 7.3.4 Sebarang perubahan maklumat dalam surat kelulusan penubuhan hendaklah mendapat kelulusan Pendaftar.
- 7.3.5 Permohonan meminda maklumat hendaklah dibuat secara rasmi kepada Pendaftar dengan mengemukakan perincian maklumat yang hendak dipinda.
- 7.3.6 Kelulusan yang diberikan tidak boleh dipindah milik atau pindah lokasi.
- 7.3.7 Perubahan lokasi pusat latihan yang telah diluluskan penubuhan tidak dibenarkan sebelum didaftarkan.
- 7.3.8 Pendaftar boleh membatalkan kelulusan penubuhan pusat latihan pada bila-bila masa sekiranya terdapat pelanggaran kepada syarat yang telah ditetapkan.

- 7.3.9 Proses kerja permohonan penubuhan dan carta alir permohonan penubuhan dengan surat sokongan/surat kebenaran merancang PBT adalah seperti di **Lampiran 3 dan 4**.

7.4 Surat Sokongan Penubuhan

- 7.4.1 Surat sokongan penubuhan akan dikeluarkan kepada permohonan yang memenuhi syarat.
- 7.4.2 Pemohon perlu mengemukakan surat sokongan penubuhan KPM kepada PBT bagi mendapatkan surat sokongan atau surat kebenaran merancang daripada PBT.
- 7.4.3 Pemohon perlu memuat naik surat sokongan atau surat kebenaran merancang daripada PBT melalui medium yang disediakan oleh Bahagian Pendidikan Swasta bagi mendapatkan kelulusan penubuhan.
- 7.4.4 Proses kerja permohonan penubuhan dan carta alir permohonan penubuhan dengan surat sokongan/surat kebenaran merancang PBT adalah seperti di Lampiran 3 dan 5.

7.5 Surat Penolakan

- 7.5.1 Surat penolakan akan dikeluarkan bagi permohonan yang tidak memenuhi syarat penubuhan.
- 7.5.2 Pemohon boleh mengemukakan permohonan baharu.

7.6 Permohonan Pendaftaran

- 7.6.1 Permohonan pendaftaran pusat latihan hendaklah dibuat secara dalam talian melalui medium yang disediakan oleh Bahagian Pendidikan Swasta setelah mendapat kelulusan daripada tiga (3) agensi.
- 7.6.2 Pemohon hendaklah memuat naik dokumen kelulusan daripada tiga (3) agensi dalam sistem permohonan bagi tujuan pendaftaran.
- 7.6.3 Bayaran pendaftaran hendaklah dibuat mengikut kaedah dan jumlah yang telah ditetapkan. Bukti pembayaran hendaklah dimuat

naik secara dalam talian melalui medium yang disediakan oleh Bahagian Pendidikan Swasta seperti Lampiran 6.

- 7.6.4 Pemohon boleh mencetak Perakuan Pendaftaran melalui sistem setelah mendapat kelulusan daripada Ketua Pendaftar.
- 7.6.5 Perakuan pendaftaran hendaklah dipamerkan di tempat yang sesuai dan mudah dilihat di institusi.
- 7.6.6 Permohonan memperbaharui perakuan pendaftaran hendaklah dibuat dalam tempoh 30 hari sebelum tamat tempoh sah laku.
- 7.6.7 Proses kerja dan carta alir permohonan pendaftaran adalah seperti di Lampiran 7 dan 8.

8. PERMIT MENGAJAR

- 8.1 Semua guru hendaklah memiliki permit mengajar yang sah.
- 8.2 Permit mengajar boleh dimohon di JPN/PPD selepas mendapat kelulusan perakuan pendaftaran.
- 8.3 Permohonan pembaharuan permit mengajar hendaklah dibuat dalam tempoh 30 hari sebelum tamat tempoh sah laku.

9. DATA DAN MAKLUMAT

- 9.1 Pusat latihan yang telah berdaftar hendaklah melaporkan data dan maklumat mengikut tatacara yang ditetapkan sebanyak tiga (3) kali setahun.
- 9.2 Pusat latihan yang gagal melaporkan data dan maklumat mengikut ketetapan boleh dikenakan tindakan penguatkuasaan.

10. PENGOPERASIAN

- 10.1 Pusat latihan hanya dibenarkan beroperasi selepas perakuan pendaftaran dikeluarkan.
- 10.2 Pengambilan murid hendaklah mengikut kohort yang telah ditetapkan.
- 10.3 Nisbah maksimum guru murid ialah 1:25.
- 10.4 Pusat latihan tidak dibenarkan menjalankan aktiviti atau menggunakan premis untuk tujuan lain selain daripada yang diluluskan oleh Ketua Pendaftar.

- 10.5 Salinan perakuan pendaftaran dan permit yang diluluskan hendaklah sentiasa dipamerkan di ruangan yang sesuai.

11. PEMERIKSAAN

11.1 Pemeriksaan dilaksanakan terhadap pusat latihan yang berdaftar dengan KPM bertujuan memastikan pematuhan terhadap Akta Pendidikan 1996 (Akta 550) dan kualiti pengurusan serta perkhidmatan.

11.1.1 Pemeriksaan biasa - dilaksanakan secara berkala bagi memastikan pusat latihan mematuhi peraturan dan syarat yang telah ditetapkan oleh Ketua Pendaftar.

11.1.2 Pemeriksaan berfokus - dilaksanakan berdasarkan arahan, program atau tujuan tertentu dari semasa ke semasa. Contohnya penarafan kualiti, data enrolmen dan pemeriksaan kelayakan pengambilan murid antarabangsa.

11.1.3 Pemeriksaan berasaskan aduan - siasatan yang dilaksanakan bagi menentusahkan aduan.

12. PENGUATKUASAAN

12.1 Sebarang ketidakpatuhan terhadap akta dan peraturan, tindakan penguatkuasaan boleh dikenakan seperti yang berikut:

12.1.1 notis peringatan secara bertulis dikeluarkan kepada pusat latihan atas ketidakpatuhan kali pertama;

12.1.2 kompaun berbentuk denda tanpa melalui pendakwaan di mahkamah dengan kebenaran bertulis Pendakwa Raya kepada pusat latihan; dan

12.1.3 pendakwaan atau tindakan undang-undang melalui mahkamah ke atas pusat latihan.

13. PENGURUSAN ADUAN

13.1 Sumber aduan utama adalah melalui Sistem Pengurusan Aduan Awam (SISPAA:<https://moe.spab.gov.my>). Aduan juga boleh dibuat melalui e-mel atau bersemuka.

13.2 Perakuan penerimaan aduan dikeluarkan dalam masa tiga (3) hari bekerja.

13.3 Siasatan hendaklah dijalankan terhadap sebarang aduan dalam masa 14 hari bekerja.

14. PEMBERHENTIAN OPERASI

14.1 Pusat latihan yang berhasrat untuk memberhentikan operasi hendaklah melaksanakan perkara yang berikut:

14.1.1 mengemukakan notis bertulis kepada Pendaftar sekurang-kurangnya tiga (3) bulan sebelum tarikh pemberhentian operasi;

14.1.2 membuat hebahan kepada umum sekurang-kurangnya tiga (3) bulan sebelum pemberhentian operasi melalui satu (1) akhbar bahasa kebangsaan dan satu (1) akhbar bahasa lain;

14.1.3 memastikan program atau kursus yang sedang berlangsung diselesaikan dalam tempoh yang ditetapkan; dan

14.1.4 mengembalikan perakuan pendaftaran institusi dan permit pengelola/pekerja kepada Pendaftar dalam tempoh 21 hari selepas pemberhentian operasi.

14.2 kegagalan mematuhi ketetapan di atas adalah suatu kesalahan dan boleh didenda tidak melebihi RM10,000 atau dipenjarakan tidak melebihi enam (6) bulan.

14.3 Pendaftar hendaklah membatalkan perakuan pendaftaran institusi dan permit pengelola/pekerja dan mengemaskini rekod daftar pusat latihan tersebut.

15. PEMBATALAN PENDAFTARAN

15.1 Ketua Pendaftar boleh pada bila-bila masa mengarahkan sesebuah institusi memberhentikan operasi dan membatalkan pendaftaran berdasarkan sub seksyen 87 (1) dan (2) iaitu:

15.1.1 tidak memenuhi piawaian kesihatan dan keselamatan yang ditetapkan;

15.1.2 tidak menjaga disiplin institusi;

15.1.3 mengemukakan maklumat palsu semasa permohonan pendaftaran;

- 15.1.4 membuat kenyataan palsu atau mengelirukan semasa mempromosi pusat latihan;
- 15.1.5 melanggar syarat-syarat pendaftaran;
- 15.1.6 tidak mempunyai pengerusi lembaga pengelola atau orang yang dilantik tidak layak; dan
- 15.1.7 pusat latihan tidak lagi wujud.
- 15.2 Notis pembatalan pendaftaran akan dikeluarkan kepada pusat latihan dengan menyatakan sebab pembatalan.
- 15.3 Pusat latihan boleh mengemukakan rayuan kepada Menteri dalam tempoh 21 hari dari tarikh notis dikeluarkan.
- 15.4 Jika tiada rayuan dibuat atau rayuan ditolak, Ketua Pendaftar boleh terus membatalkan pendaftaran pusat latihan berkenaan.
- 15.5 Pusat latihan hendaklah mengembalikan perakuan pendaftaran, surat cara pengelolaan dan pendaftaran pengelola/pekerja kepada Ketua Pendaftar dalam masa 21 hari.
- 15.6 Pendaftar hendaklah membatalkan perakuan pendaftaran institusi dan pendaftaran pengelola/pekerja dan mengemaskini rekod daftar institusi pendidikan.

16. PENAMATAN PENDAFTARAN PENGELOLA ATAU PEKERJA

- 16.1 Ketua Pendaftar boleh mengeluarkan seseorang pengelola atau pekerja dari daftar atas sebab seperti yang dinyatakan dalam Seksyen 93(1).
- 16.2 Ketua Pendaftar akan mengeluarkan seseorang pengelola atau pekerja dari daftar apabila pihak pengurusan pusat latihan memaklumkan secara bertulis berhubung persaraan atau pemberhentian seseorang pengelola atau pekerja seperti dinyatakan dalam Seksyen 94(2).

17. PENUTUP

Pelaksanaan Garis Panduan Penubuhan, Pendaftaran dan Pengoperasian Pusat Latihan ini diharap dapat memastikan proses permohonan penubuhan, pendaftaran serta pengoperasian pusat latihan berjalan lancar. Semua pusat latihan hendaklah patuh kepada peraturan yang ditetapkan dalam garis panduan ini. Pegawai KPM, JPN dan PPD hendaklah memantau pelaksanaan

permohonan penubuhan, pendaftaran dan pengoperasian pusat latihan di negeri dan daerah masing-masing.

SENARAI LAMPIRAN

Lampiran 1: Jadual Perjanjian Perdagangan Bebas dalam Pendidikan

Lampiran 2: Senarai dokumen sokongan permohonan penubuhan pusat latihan

Lampiran 3: Proses Kerja Permohonan Penubuhan Pusat Latihan

Lampiran 4: Carta Alir Permohonan Penubuhan Pusat Latihan dengan Surat Sokongan dan Kebenaran Merancang PBT

Lampiran 5: Carta Alir Permohonan Penubuhan Pusat Latihan Tanpa Surat Sokongan dan Kebenaran Merancang PBT

Lampiran 6: Jadual Bayaran Pendaftaran dan Permit

Lampiran 7: Proses Kerja Permohonan Pendaftaran Pusat Latihan

Lampiran 8: Carta Alir Permohonan Pendaftaran Pusat Latihan

Lampiran 10a: Instrumen Lawatan Verifikasi Premis (Penubuhan)

Lampiran 10b: Instrumen Lawatan Verifikasi Premis (Pendaftaran)

RUJUKAN

- Agensi Kelayakan Malaysia. *Tahun pengalaman kerja minimum dalam bidang berkaitan* diakses pada 21 Jun 2023, <https://www2.mqa.gov.my/apel/APEL Q/permohonan calon.cfm>.
- Akta Pendidikan 1996 (Akta 550). (2023). *Peraturan-peraturan dan kaedah-kaedah terpilih*. Petaling Jaya: International Law Books Services.
- Jabatan Imigresen Malaysia. *Buku Panduan Bahagian Khidmat Ekspatriat* diakses pada 21 Jun 2023, <https://esd.imi.gov.my/portal/pdf/esdguidebook.pdf>
- Kementerian Pelaburan, Perdagangan dan Industri, *Perjanjian perdagangan bebas Malaysia* diakses pada 20 November 2023, <https://fta.miti.gov.my/>
- P.U.(A) 258 Peraturan-Peraturan Pendidikan (Permit Mengajar). (2013). Putrajaya: Kementerian Pendidikan Malaysia.
- Surat Pekeliling Pentadbiran BPSG Bilangan 13/1995. (1995). *Penamaan sekolah/ institusi pendidikan swasta (IPS)*. Kuala Lumpur: Kementerian Pendidikan Malaysia.
- Unit Perancang Ekonomi, Jabatan Perdana Menteri. (2015). *Garis Panduan dan Peraturan Bagi Perancangan Bangunan*, 2015. Kuala Lumpur,

Lampiran 1

**JADUAL PERJANJIAN PERDAGANGAN BEBAS
DALAM PENDIDIKAN**

NEGARA	JENIS PENDIDIKAN	KADAR MAKSIMUM EKUITI ASING SEMASA*	RUJUKAN
Jepun	1. <i>Technical & vocational secondary education</i> 2. <i>Techincal & vocational secondary school-type education services for handicapped students</i> 3. <i>Other education services</i>	49%	<i>ASEAN-Japan CEP</i> <i>Malaysia: Schedules of Spesific Services Commitments</i>
Jepun	1. <i>Technical & vocational secondary education</i> 2. <i>Techincal & vocational secondary school-type education services for handicapped students</i> 3. <i>Other education services</i>	70% 70% 51%	<i>Malaysia-Australia FTA (MAFTA)</i> <i>Malaysia: Schedules of Spesific Services Commitments</i>
New Zealand	1. <i>Primary school</i> 2. <i>General secondary school</i> 3. <i>Higher secondary school</i> 4. <i>Religion school</i> 5. <i>Other education</i>	70%	<i>Malaysia-New Zealand FTA (MNZFTA)</i> <i>Malaysia: Schedules of Spesific Services Commitments</i>
Korea	<i>Adult education</i>	49%	<i>ASEAN-Korea FTA</i> <i>Malaysia: Schedules of Spesific Services Commitments</i>

NEGARA	JENIS PENDIDIKAN	KADAR MAKSIMUM EKUITI ASING SEMASA*	RUJUKAN
China	<i>Other education and only:</i> 1. <i>Language course</i> 2. <i>Short course:</i> - <i>Technical and vocational</i> - <i>Cognitive skills development</i>	49%	<i>ASEAN-China FTA</i> <i>Malaysia: Schedules of Specific Services Commitments</i>
Negara-negara lain	Tiada perjanjian dengan Malaysia dalam perkhidmatan pendidikan	20%	Tertakluk kepada dasar dan ketetapan KPM

*Kadar maksimum ekuiti asing mengikut perjanjian perdagangan bebas adalah tertakluk kepada perubahan dari semasa ke semasa oleh Kementerian Pelaburan, Perdagangan dan Industri (MITI)

Lampiran 2

**SENARAI SEMAK DOKUMEN SOKONGAN
PERMOHONAN PENUBUHAN PUSAT LATIHAN**

Bil	PERKARA	SEMAKAN (Tandakan / di ruangan yang berkenaan)	
		ADA	TIADA
1.	Salinan Kad Pengenalan		
2.	Salinan Sijil (SSM) yang disahkan oleh SSM		
3.	Pelan lokasi		
4.	Pelan lantai bangunan yang disahkan oleh pihak berkuasa tempatan atau arkitek bertauliah		
5.	Perjanjian Sewa Beli / Perjanjian Jual Beli / Surat Pajakan / Surat Wakaf / Geran Tanah dan lain-lain		
6.	Dokumen menunjukkan modal berbayar		
7.	Salinan Memorandum And Articles (M&A)		
8.	Draf Surat Cara Pengelolaan		
9.	Surat perakuan PBT bagi penggunaan premis institusi Pendidikan		
10.	Surat sokongan atau surat kebenaran merancang PBT		

Lampiran 3

PROSES KERJA PENDAFTARAN PUSAT LATIHAN


Permohonan Penubuhan

Bil.	Proses Kerja	Tindakan	Dokumen	Masa diambil
1.	Pemohon mengisi permohonan dan memuat naik dokumen sokongan dalam talian.	Pemohon	1. Salinan Kad Pengenalan 2. Salinan Sijil (SSM) yang disahkan oleh SSM 3. Pelan lokasi 4. Pelan lantai bangunan yang disahkan oleh pihak berkuasa tempatan atau arkitek bertauliah 5. Perjanjian Sewa Beli/ Perjanjian Jual Beli/ Surat Pajakan/ Surat Wakaf / Geran Tanah dan lain-lain 6. Dokumen menunjukkan modal berbayar 7. Salinan Memorandum And Articles (M&A) 8. Draf Surat Cara Pengelolaan 9. Surat perakuan PBT bagi penggunaan premis institusi Pendidikan 10. Surat sokongan atau surat kebenaran merancang PBT (jika ada)	
2.	Semakan permohonan	Penolong Pengarah	Dokumen seperti Bil. 1	
3.	Lawatan verifikasi premis (jika perlu)	Penolong Pengarah	Lampiran 10a – Instrumen Lawatan Verifikasi Premis (Penubuhan)	

4.	Sesi Penilaian Penubuhan	Panel Penilai Penubuhan	1. Minit ceraian 2. Instrumen penilaian (Lampiran 11) 3. Dokumen sokongan permohonan	
5.	Keluarkan: I. Surat kelulusan bagi permohonan yang sudah ada surat sokongan atau surat kebenaran merancang PBT II. Surat sokongan penubuhan bagi permohonan yang belum ada surat perakuan PBT III. Surat penolakan kepada permohonan yang ditolak <i>(untuk tindakan lanjut pemohon kepada PBT, Jabatan Kesihatan dan Jabatan Bomba)</i>	Penolong Pengarah	1. Surat kelulusan/ penolakan/ sokongan 2. Surat kepada 3 Agensi Janaan sistem/ dalam talian	


**CARTA ALIR PENDAFTARAN PUSAT LATIHAN
DENGAN SURAT SOKONGAN/ SURAT KEBENARAN MERANCANG PBT**

Permohonan Penubuhan



CARTA ALIR PENDAFTARAN PUSAT LATIHAN TANPA SURAT SOKONGAN/ SURAT KEBENARAN MERANCANG PBT

Permohonan Penubuhan



JADUAL BAYARAN PENDAFTARAN DAN PERMIT MENGAJAR

Bil	Perkara	Amaun (RM)
1.	Permohonan pendaftaran pusat	150.00
2.	Pembaharuan perakuan pendaftaran	50.00
3.	Penggantian perakuan pendaftaran	10.00
4.	Fi Proses (Permohonan baru, permohonan pembaharuan permit mengajar, permohonan penggantian permit mengajar dan perubahan kategori institusi pendidikan)	10.00
5.	Permit mengajar (setahun)	30.00
6.	Pembaharuan permit mengajar (setahun)	30.00
7.	Penggantian permit mengajar	50.00


PROSES KERJA PENDAFTARAN PUSAT LATIHAN

Permohonan Pendaftaran

Bil.	Proses Kerja	Tindakan	Dokumen	Masa diambil
1.	Pemohon memuat naik surat kelulusan 3 agensi <i>(Terima salinan surat kelulusan PBT, Jabatan Kesihatan dan Jabatan Bomba daripada pemohon)</i>	Pemohon	1. Surat kelulusan 3 agensi 2. Resit/ slip pembayaran	
2.	Lawatan Verifikasi premis	Penolong Pengarah	Lampiran 10b – Instrumen Lawatan Verifikasi Premis (Pendaftaran)	
3.	Menana dan mencetak surat kelulusan pendaftaran dan Perakuan Pendaftaran	Penolong Pengarah BPSwasta	1. Surat kelulusan pendaftaran 2. Perakuan Pendaftaran	
4.	Mengangkat surat kelulusan pendaftaran dan Perakuan Pendaftaran kepada Ketua Pendaftar untuk ditandatangani	Penolong Pengarah BPSwasta	1. Surat kelulusan pendaftaran 2. Perakuan Pendaftaran	
5.	Memuat naik surat kelulusan pendaftaran dan Perakuan Pendaftaran yang telah ditandatangani oleh Ketua Pendaftar dalam sistem	Penolong Pengarah BPSwasta	1. Surat kelulusan pendaftaran 2. Perakuan Pendaftaran	
6.	Mencetak surat kelulusan pendaftaran dan Perakuan Pendaftaran pusat untuk rekod rasmi.	Penolong Pengarah JPN	1. Surat kelulusan pendaftaran 2. Perakuan Pendaftaran	
7.	Mencetak surat kelulusan pendaftaran dan Perakuan Pendaftaran pusat untuk rekod.	Pemohon/ Pengusaha	1. Surat kelulusan pendaftaran 2. Perakuan Pendaftaran	

CARTA ALIR PENDAFTARAN PUSAT LATIHAN

Permohonan Pendaftaran





KEMENTERIAN PENDIDIKAN

INSTRUMEN LAWATAN VERIFIKASI PREMIS KATEGORI PUSAT

Permohonan Penubuhan

BAHAGIAN A

i) JENIS INSTITUSI

Tandakan (✓) bagi institusi yang berkenaan.

☐

Pusat Bahasa

☐

Pusat Latihan

☐

Pusat Perkembangan

☐

Pusat Tuisyen

☐

Pusat Bimbingan

ii) MAKLUMAT AM INSTITUSI

1.	Tarikh permohonan penubuhan	:	
2.	Nama Institusi	:	
3.	Alamat Institusi	:	
4.	Poskod	:	
5.	Bandar	:	
6.	Negeri	:	

7.	Dewan Undangan Negeri (DUN)	:	
8.	Parlimen	:	
9.	No. Telefon	:	
10.	E-mel	:	
11.	Lokasi	:	☐ ☐ ☐ Pedalaman Luar Bandar Bandar
12.	Hakmilik Premis	:	☐ ☐ ☐ ☐ Sendiri Sewaan Wakaf Pajakan
13.	Jenis bangunan	:	☐ ☐ ☐ ☐ ☐ Bangunan komersial Institusi pendidikan Bangunan khas Premis kerajaan Lain-lain premis Nyatakan:
14.	Keluasan lantai premis (meter persegi)	:	
15.	Keluasan tapak premis (hektar)	:	

iii) MAKLUMAT PERSEKITARAN

Tandakan (✓) bagi pernyataan yang berkenaan sekiranya premis berhampiran:

- ☐ kawasan perumahan
- ☐ kawasan perindustrian
- ☐ pusat hiburan/ kelab malam
- ☐ rumah urut
- ☐ premis berunsur perjudian
- ☐ bengkel kereta/ motor
- ☐ perhentian bas/ teksi
- ☐ Lain-lain - Nyatakan:

iv) MAKLUMAT PENGURUS

Isikan ruangan yang berkenaan.

1.	Nama	:	
2.	No. Kad Pengenalan/ Passport	:	
3.	Kewarganegaraan	:	
4.	No. Permit Pekerja (sekiranya berkaitan)	:	

BAHAGIAN B

ULASAN/ SYOR PEGAWAI VERIFIKASI

.....
.....
.....
.....

.....
(Tandatangan Pegawai Verifikasi I)

Nama Pegawai :

Jawatan :

No. KP:

.....
(Tandatangan Pegawai Verifikasi II)

Nama Pegawai :

Jawatan :

No. KP:

Tarikh Lawatan:

Masa:

Nama wakil IPS:

Jawatan:

No. K/P:

Tandatangan:

Tarikh:



KEMENTERIAN PENDIDIKAN

INSTRUMEN LAWATAN VERIFIKASI PREMIS KATEGORI PUSAT

Permohonan Pendaftaran

BAHAGIAN A

i) JENIS INSTITUSI

- ☐ Pusat Bahasa
- ☐ Pusat Latihan
- ☐ Pusat Perkembangan
- ☐ Pusat Tuisyen
- ☐ Pusat Bimbingan

ii) MAKLUMAT AM INSTITUSI

1.	Tarikh kelulusan penubuhan dan nombor rujukan KPM	:	
2.	Nama Institusi	:	
3.	Alamat Institusi	:	
4.	Poskod	:	
5.	Bandar	:	
6.	Negeri	:	
7.	Dewan Undangan Negeri (DUN)	:	
8.	Parlimen	:	
9.	No. Telefon	:	
10.	Lokasi	:	☐ Pedalaman ☐ Luar Bandar ☐ Bandar
11.	Hakmilik Premis	:	☐ Sendiri ☐ Sewaan ☐ Wakaf ☐ Pajakan
12.	Jenis bangunan	:	☐ Bangunan komersial ☐ Institusi pendidikan

				Bangunan khas Premis kerajaan Lain-lain premis Nyatakan:
13.	Keluasan lantai premis (meter persegi)	:		
14.	Keluasan tapak premis (hektar)	:		

iii) MAKLUMAT PENGURUS

Isikan ruangan yang berkenaan.

1.	Nama	:	
2.	No. Kad Pengenalan/ Passport	:	
3.	Kewarganegaraan	:	
4.	No. Permit Pekerja (sekiranya berkaitan)	:	

BAHAGIAN B

MAKLUMAT KEMUDAHAN INSTITUSI

i) KEMUDAHAN PEMBELAJARAN DAN PENGAJARAN

Jenis kemudahan	Kelulusan penubuhan	Semakan verifikasi pendaftaran				
	Bilangan (Diisi sebelum lawatan verifikasi)	Kewujudan kemudahan		Bilangan (Nyatakan bilangan)	Keadaan kemudahan	
		Ada	Tiada		Memuaskan	Tidak memuaskan
Bilik darjah						
Bilik perbincangan						
Bengkel						
Perpustakaan						
Lain-lain Nyatakan:						

ii) KEMUDAHAN PENGURUSAN DAN PENTADBIRAN

Jenis kemudahan	Kelulusan penubuhan	Semakan verifikasi pendaftaran				
	Bilangan (Diisi sebelum lawatan verifikasi)	Kewujudan kemudahan		Bilangan (Nyatakan bilangan)	Keadaan kemudahan	
		Ada	Tiada		Memuaskan	Tidak memuaskan
Lobi utama / ruang						

menyambut tetamu						
Pejabat / bilik pentadbir						
Bilik pengurus						
Bilik guru						
Bilik Hal Ehwal Pelajar						
Lain-lain Nyatakan:						

iii) KEMUDAHAN KHIDMAT BANTU PELAJAR

Jenis kemudahan	Kelulusan penubuhan	Semakan verifikasi pendaftaran				
	Bilangan (Diisi sebelum lawatan verifikasi)	Kewujudan kemudahan		Bilangan (Nyatakan bilangan)	Keadaan kemudahan	
		Ada	Tiada		Memuaskan	Tidak memuaskan
Bilik kaunseling dan rundingan						
Penginapan						
Surau						
Kafetaria						
Bilik rehat						
Tandas						
Lain-lain Nyatakan:						

BAHAGIAN C

PERSEKITARAN INSTITUSI

Kebersihan

- ☐ i. Premis bersih dan sesuai untuk pembelajaran

Keselamatan

- ☐ i. Tangga keselamatan
☐ ii. Alat pemadam api
☐ iii. Pintu kecemasan
☐ iv. Premis telah mendapat kelulusan *Certificate of Completion and Compliance (CCC)*
☐ v. Lalu lintas di luar premis terkawal

Kesihatan

- ☐ i. Pengudaraan yang cukup
☐ ii. Pencahayaan yang cukup

BAHAGIAN D

ULASAN/ SYOR PEGAWAI VERIFIKASI

.....
.....
.....
.....

.....
(Tandatangan Pegawai Verifikasi I)

Nama Pegawai :

Jawatan :

No. KP:

.....
(Tandatangan Pegawai Verifikasi II)

Nama Pegawai :

Jawatan :

No. KP:

Tarikh Lawatan:

Masa:

Nama wakil IPS:

Jawatan:

No. K/P:

Tandatangan:

Tarikh:

Cap rasmi (sekiranya ada):